

扮榆小草医案

健堂撰  
全一册

序

蓋聞爲人子者不可以不知醫夫醫  
固不可不知而醫豈易知哉余性拙  
欲知醫而未能竊最喜讀醫書如內  
經金匱王太僕難經與夫朱丹溪李  
東垣劉河間喻昌言各名家及吾徽

1563

序

吳天士之醫驗集閩省陳修園之  
餘六種御纂醫宗金鑑諸書無不  
徧取而玩索之外此雜家臆說無論  
也但每握卷反覆尋繹希圖有得漏  
五下猶不忍釋手此余素嗜醫書之  
癖也然未嘗輕與人治一病立一方

洵以醫理亦甚深微非淺見者所能  
遽窺其奧蘊耳頃閱 趙君兩人手

著醫案見其有對症而正治之者有  
背症而反治之者有隔症而旁治之  
者有舍症而巧治之者昔孫真人云  
行醫之人智欲圓而行欲方膽欲大

而心欲細雨是之精於醫其正治也  
是行方其反治也是智圓其旁治也  
是心細其巧治也是膽大所以藥餌  
甫投沉疴立起醫如雨兄可謂神而  
明之茲徵序於余余不知醫何以知  
序雖然閱雨兄醫案瞭如指掌而於

醫理不啻思過半矣爰就醫案中之  
引而不發者特撮要而伸明焉以爲  
天下後世之學醫者法卽爲天下後  
世之行醫者警使無兩兄之行之智  
之心之膽縱能讀盡醫書不過徒得  
前人之糟粕而顧可自謂知醫術能

活人耶抑亦思醫能活人醫亦能戕  
人余於雨兄固無慮是是以樂爲之  
序

同治八年歲次己巳嘉平月旣望皖江夏書勲  
拜叙於丹興官廨之浴新小榭

醫者意也意無定而醫之效則有定  
醫者理也理有定而醫之法則無定  
昔人云不爲良相必爲良醫謂相操  
生人之柄而醫有活人之術也且名  
醫之用藥如大將之用兵用兵者未  
有理不直而意復紛亂而能操必勝

之權者也。惟醫亦然。習之者非天姿  
超妙學識兼長。未易能窺其闢奧。蓋  
不深析其理。則中無主。而以人試藥。  
不善會其意。則執一偏。而以藥繩人。  
皆失也。人以性命相託。而徒共陋儒  
庸醫之一試。可慨也。夫光緒紀元長

夏家居得晤兩人趙君因得讀其枌  
榆小草一冊半自紀其治病之要與  
其人受病之源大都師古人之意而  
變通之予見其析理澈其厯意審由  
其操術也慎故其收效也速得用兵  
之遺意而無奇非正體古人願爲良

醫之心而陰行其濟世活人之術非其天姿超妙學問優長而能若是歟使由此精而進焉必以斯道鳴於世而傳於後世幾幾乎與名將相爭列矣安得以一藝之士少之哉因弁其首而樂爲之序

旨

光緒元年歲在乙亥仲夏月員外郎銜兵部武  
庫司主事芙田愚弟支承祐拜撰

昔范文正公爲秀才時云不爲良相  
當爲良醫誠以醫非小道非活國卽  
活人者也今吾邑趙生兩人甫業醫  
所試輒驗由其平日博極羣書故能  
一見了了遂將其所治諸病列爲成  
案以余素知此道求余更正見其分

經辨症奏效如響非比俗醫株守  
壽世保元等說顛沾沾而自喜也從  
此而精之以馴致於活國不難矣豈  
曰小道云乎哉

豈

同治六年歲次丁卯仲冬月中浣丙

午科鮮元截取知縣健堂龍輝廷  
拜撰於三臺書院

醫宜辨症而辨症莫先於六經六經  
辨之未明百病治之難愈涼藥熱藥  
冒昧雜投無當也夫陽明病也治以  
少陰之方破陰行陽謬矣少陰病也  
治以陽明之法破陽行陰愈謬矣蓋  
由六經表裏未能見微知著動輒執

蜚母以爲君謂烏頭而可帝能不以  
熱增熱以寒增寒明明可救之症而  
置之於死地哉古云學醫人廢其信  
然歟在庸醫固無定論而時醫之任  
意立方間有獲效遂自以爲得計而  
其實不知病在何經也哉無歎焉